



ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ ՊԱՏՎԻՐԱԿՈՒԹՅՈՒՆԸ ՄԱՅՐ ԱԹՈՌՈՒՄ

Հոկտեմբերի 9-ին, երկուշաբթի, Ամենայն
Հայոց Վեհափառ Հայրապետի հրավերով,
Մայր Աթոռ Ս. Էջմիածին ժամանեց Եկեղե-
ցիների Համաշխարհային Խորհրդի պատվի-
րակությունը, ներկա լինելու Ազգային-եկե-

ղեցական ժողովի առթիվ կազմակերպված
Եկեղեցական հանդիսություններին:

Պատգամավորությանը գլխավորում էր Ե-
կեղեցիների Համաշխարհային Խորհրդի էկու-
մենիկ գործողությանց բաժնի տնօրեն, Հնդկ



Եկեղեցիների Համաշխարհային Խորհրդի էկումենիկ գործողությանց բաժնի տնօրեն Հայր Պոլ Վեգեսիս
(կենտրոնում) Մայր Աթոռում Ս. Հակապոստոլոս (ձախից), Ս. Ջոն և Ս. Ասողիկ սրբազանների հետ

Մալարար Եկեղեցու քահանա Հայր Պոլ Վիգնդին:

Պատգամավորության կազմում էին Եկեղեցիների Համաշխարհային Խորհրդի Միջեկեղեցական և տարազիրների նպաստի բաժնի ղեկավար Մ. Ս. Քինկը, Միջազգային հարցերի հանձնաժողովի քարտուղար Ֆրեդերիկ Մեկերդը և Տեղեկատու բաժնի վարիչ Զոն Թեյլորը:

Հանուն Ամենայն Հայոց Վեհափառ Հայրապետի, Երևանի ողանալականում հյուրերին դիմավորեցին հոգեշնորհ Տ. Գրիգոր վարդապետ Եղիայանը և հոգեշնորհ Տ. Ներսես վարդապետ Պողոսյանը:

Հյուրերին Վեհաքանում ընդունեց Ամենայն Հայոց Վեհափառ Հայրապետը:

Նորին Ս. Օծուքյան և Եկեղեցիների Համաշխարհային Խորհրդի պատվիրակների միջև տեղի ունեցավ ջերմ զրույց, մտերմական մթնոլորտում:

Այնուհետև հյուրերն այցելեցին Մայր Տաճար, Ս. Հռիփսիմե, Զվարթնոց և Երևանի տեսարժան վայրերը:

Հաջորդ օրերին հյուրերն այցելեցին Գառնի և Ս. Գեղարդի վանքը:

Հոկտեմբերի 14-ին պատվիրակները ներկա եղան Մայր Տաճարում եպիսկոպոսական ձեռնադրության:

Երեկոյան ժամը 4-ին, Վեհաքանում, Ամենայն Հայոց Վեհափառ Հայրապետը բարեհաճեց հյուրերի պատվին կազմակերպել ընդունելություն, որն անցավ սրտագին մթնոլորտում: Ընդունելության ընթացքում փոխանակվեցին ողջության ջերմ խոսքեր և ճառեր:

Հոկտեմբերի 15-ին, երկուշաբթի, հյուրերը, հրաժեշտ առնելով Ամենայն Հայոց Վեհափառ Հայրապետից և Մայր Աթոռից, մեկնեցին անմոռանալի տպավորություններով:

